



ZLATKO MILETIĆ

Dom naroda Parlamentarne skupštine BiH  
Klub izaslanika hrvatskog naroda

Sarajevo, 02.10.2023. godine

**PARLAMENTARNA SKUPŠTINA BiH**  
**DOM NARODA**

n/r: g. Nikola Špirić, predsjedatelj

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 02-10-2023			
Organizaciona jedinica	Klasifikaciona oznaka	Redni broj	Broj priloga
02	50-6	16-10	23

1055

Na osnovu člana/članka 154. i 155. Poslovnika o radu Doma naroda Parlamentarne skupštine Bosne i Hercegovine ( „Službeni glasnik BiH”, br.58/14, 88/15 i 96/15 ) postavljam slijedeće

### IZASLANIČKO PITANJE

(STATUS DIPLOMATSKOG OSOBLJA RUSKE FEDERACIJE AKREDITIRANOG U BIH)

Imajući u vidu činjenicu, da su se u medijima pojavile informacije o diplomatama državljanima Ruske Federacije, koji su zbog aktivnosti koji su u suprotnosti sa "Bečkom konvencijom o diplomatskim odnosima" (od 18.04.1961.g. – Sl.list SFRJ br.2/1964) članom/člankom 9., protjerani sa teritorije R. Hrvatske odnosno R. Sjeverne Makedonije, pronašli utočište u BiH, na način da su akreditovani kao diplomati Ruske Federacije u Bosni i Hercegovini, postavljam pitanje kako je to moguće i tko je odgovoran za novonastalu situaciju.

Naime, radi se o osobama:

- ANTON SOKOLOV, prvi sekretar, koji je boravio u BiH u periodu od od 15.07.2015. do 19.04.2021.g. i od 12.01.2023.g. do danas i
- ILIA SEROV, ataše, boravi u BiH od 25.10.2022.g. (oba registrirani u knjizi Diplomatskog protokola MVP BIH iz maja /svibnja 2023.str.128. i 129.).

Postavlja se opravdano pitanje, kako je moguće da se protjerane osobe koje su proglašene "personom non-grata", u nama prijateljskim zemljama, notifikuju kao diplomatsko osoblje u BiH, tko je odgovoran za to, tko vrši sigurnosne provjere za te osobe kao i sve ostalo diplomatsko osoblje koje je akreditovano u BiH i da li to itko

\* radi uopšte, te na kraju, postavljam pitanje, da li će pomenutim osobama biti otkazano gostoprimstvo u BiH.

Nadalje, u ovom kontekstu postavljam ponovno, izaslaničko pitanje od 22.04.2022.godine, na koje mi nadležno Ministarstvo vanjskih poslova BiH niti Predsjedništvo BiH, **nikad nije odgovorilo**, u vezi sa zahtjevom, da Ministarstvo vanjskih poslova BiH, odgovori, da li će protiv osoblja diplomatsko-konzularnog predstavništva Ruske Federacije u Bosni i Hercegovini, u skladu sa zakonom i Bečkom Konvencijom o diplomatskim odnosima, sačiniti **obrazložen prijedlog za donošenje Odluke** u kojem će tražiti od Predsjedništva BiH, da Ambasadora/Veleposlanika NjE g. Igora Kalabuhova te eventualno osoblje diplomatsko-konzularnog predstavništva, označi, neprihvatljivim osobama/licima odnosno „personama non grata“, na osnovu predočenih činjenica (od 21.03.2021.g., 17.02., 15.03., 18.03., 04.04., i 13.04.2022.g.) te da li će Predsjedništvo BiH donijeti takvu Odluku. Kao posljedicu navedenog neadekvatnog djelovanja institucija imamo daljnju ne primjerenu i ne diplomatsku aktivnost pomenutih, 19.01., 24.02., i 07.05. i 24.08.2023.godine, koju također treba ozbiljno shvatiti i umjesto adekvatnog djelovanja institucija mi pružamo utočište protjeranim diplomatama.

Razlog za postavljeno pitanje je kontra-obavještajna zaštita institucija Bosne i Hercegovine te uspostava sistema nadležnosti i odgovornosti institucija i pojedinaca BiH u ovoj oblasti, u posebnom ali i općem kontekstu. Pitanje postavljam nadležnom ministru Ministarstva vanjskih poslova BiH i Predsjedništvu BiH, i tražim odgovor u usmenoj i pismenoj formi.

S poštovanjem,



ZLATKO MILETIĆ